



## Ohtsää ristâ

Ristâs juáhháást, eteh. lánááš mii riistah láá uáli persovnlíih. Ubâ alda orroo olmooš ij ain tiäđušt, ete maggaar nuáđi nubbe olmooš eellimstis kuáddá. Kiäsni mist vädisvuodah šaddeh nuuvt styeresin, ete sun ana, ete lii pááccám aabâs ohtuu jieijâs riistâ tiädu vuálá.

Taan kiidâ oles maailm kuáddá ohtsii riistâ, koronavirusepidemia viehis uhke. Vala muáddi mánuppaje tassaaš uđđâseh Kiinast urruu lemin kukken. Tääl spiekâstâhtiilij já rajjiittâsâi miel argâ lii muttum pirrá maailm. Návt lii keevvâm meid táválávt nuuvt torvolii Suomâst. Mij lep karttâm miedettiđ, ete ep lah ubâ jieččân torvosajeestkin syejeest taan oles maailm siävuttâm virusist.

\*

Ko mij kyeddip mii ohtsii äigikyevdilis koronavirus riistâ, te lii tehálâš mušteđ, ete ristâ lii meid pessijái ráammátmuštâlusâi váimusist. Evangelium muštâl, maht Jeesus kuodij jieš jieijâs riistâ, kuus sun loopâst pajedui Golgata -nommâsii pääršist.

”Tot lii tevdum”, lijii Jeesus majemuuh säänih riistâst. Ton maņa sun nuáigistij uáivis já adelij jieğâs já návt sovâttij mii suddoid. Riistâst Jeesus oláštij suu elimis ääigi celkkim saaniđ: ” Stuárráb rähisvuodâ ij kihheen pyevti čäittiđ, ko ete addel jieğâs ustevijdis peeleast”. Riistâst šoodâi loopâst rähisvuodâ já tuáivu merkkâ.

Ristâ ij kuittâg lamaš pessijái evangeliummuštâlus majemuš uási. Pessijâšidedit häävdi luus moonnâm nisoneh maccii ilosaahâ fârustis: Jeesus iälá! Kuárus häävdist čyevvee kirkes čuovâ vuáittá riistâ já jäämmim sevņâdâs.

\*

Siämmást ko koronavirus uhke lii orostittâm mii argêellim, te kullut mii pirâstíttee já täälvist luovâneijee luándu maidnii aabâs muide. Jieğah vyelgih tave juuvâin já jaavrijn. Urbeh šaddeh taan-uv kiidâ muoráid. Uđđâ eellim morráán luándust.

Kiidâ luándu sinfonia čuojât siämmáa taavtâst ristâlii tuáivu savváin. Ko lep kiävrum taan tuáivu saavâst te tuárjup nubbe nubijdân tääl vaigâdis mánuppoojij ääigi. Ruokâsmittus mii Immeel sääni Jeremia kirjeest: ”Mun adelâm tijjân puátteevuodâ já tuáivu”.

Ovdláhháá Pessijái 2020,

Jukka Keskitalo

Oulu pispekode pispe